



sabeda ai 12 de jügn: traslaziun dla Santa Crusc

ales 7:30 prozesciun da San Linert sò La Crusc,
ales 9:30 Santa Messa.

Le lift da La Crusc é en funziun dai 12.06 ai 26.09 dales 8:30 ales 17:30.

1 Enformaziuns y termins

Ciasa de Palsa/1: la diretoria lascia alessei che al é gnü scrit fora en concurs publich tres mobilité danter aministrazions publiches por la corida de 2 (dui) posc de rode desco operadú/dessa soziosanitar/a, 1 n post a tomp parzial 50% (19 ores al' edema) y 1 post a tomp parzial 63,16% (24 ores al' edema) tla IV. cualifica funzionala. I posc é reservés al grup linguistich ladin. Al ven damané l'atestat de trilinguism A2 (ex D). Les domandes de amisciun al concurs mess gní scrites fora sön le formular aposta. Cösc ciafun tai ofizi dla Ciasa de Palsa Ojöp Freinademetz a San Martin o pó gní descáriés dla plata internet www.ciasadepalsa.it. I formulars scric fora mess gní dés jö tai ofizi dla Ciasa de Palsa cina ales 12:00 dai 28.06.2021. Por enformaziuns plü avisa pón telefoné al ☎ 0474 524786.

Ciasa de Palsa/2: la Ciasa de Palsa Ojöp Freinademetz APSP, ent publich con 89 lec y 5 apartamonc por jont atempada y con zirca 100 dependenc, chir na diretoria nea / n diretor nò. I recuisic por tó pert ala seleziun pón se lí fora dal test dla bandida che an ciafa sön le sit www.ciasadepalsa.it. Al ven perié da dé jö la domanda d'amisciun con la documentaziun damanada tai ofizi dla Ciasa de Palsa anter les 12:00 dai 16.07.2021. Por enformaziuns cherdede sò, ☎ 0474 524783.

ASC Mareo: metun da jí le "programma generale 2021" por mituns dai 5 ai 12 agn (min. 12 partezipanc) vigne lönesc y jöbia (endöt 15 iadi, 1 n'ora y mesa). La pröma encuntada sará ai 01 de iuli ales 9:00 ete dal ciamp dal sport Ciamaor. Le cost é de 110 € (100 € secundo möt, 90 € terzo möt). Prenotaziuns cina ai 22 de jügn pa Corinne, sön Whatsapp o ☎ 346 2211376.

Ocio: l'apoteca d'Al Plan sará slüta dai 7 cina ai 16 de jügn!

In questo mese di giugno, dedicato in modo particolare al Cuore di Cristo, possiamo ripetere una preghiera semplice:
 "Gesù, fa' che il mio cuore assomigli al tuo".
 Così anche il nostro cuore, a poco a poco, diventerà più paziente,
 più generoso, più misericordioso...

Papa Francesco, 04.06.2021

Döt le bun a:	Erlinda Kanetscheider, <i>Maran</i>	* 06.06.1941
	Hermann Trebo, <i>Al Plan</i>	* 08.06.1946
	Angela Maria Erlacher, <i>Uttenheim</i>	* 09.06.1937
	y a düc chi co á santennom y complesc i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le dedemesaledema sera a Franz Rigo, ☎ 0474 500978 o ✉ ploania@gmx.net
Download plata: www.unitepastorala.org



**Plata dla Ploania
La Pli de Mareo
Santa Maria dal Bun Consei**

Plaoan: **Signor Klaus Sottsas**
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ




VAL BADIA
www.unitepastorala.org

Ann B

06.06.2021 - GRAN FESTA D'LES ANTLÈS

n. 28



 **Es 24, 3-8 | Ebr 9, 11-15 | Mc 14, 12-16.22-26**


Dal Vangelo do San Merch:

[...] ¹³Danló ál orcé dui discepuj danfora y ti á dit: Jide tla ciüté, danló ves gnarál adancuntra n el co porta n boché d'ega. Jidi do ¹⁴cina ch'al va te na ciasa; spo dijedi al patrun de ciasa: Le maester te damana: Olá é pa le salamont olach'i pó mangé con mi discepuj l'agnel da Pasca? ¹⁵Y le patrun ves mostrará n gran salamont söalt tapezé fora con plomac, co é belo arjigné ca por le past da festa. Danló arjignede ca por nos! ¹⁶I discepuj s'á motü sön tru y é roés tla ciüté. Ai á ciafé döt desch'al ti á dit y á arjigné ca le past da Pasca. ²²Dertan past ál tut le pan y á dit iolan, l'á rot jö, ti al á sport y á dit: Toledé, cösc é mio corp. ²³Spo ál tut le calesc, á dit iolan, ti al á sport y düc á bou denfora. ²⁴Y al ti á dit: Cösc é mio sanch, le sanch d'alianza, co ven spanü por trec. ²⁵Amen, i ves diji: I ne boará nia plü dal früt dla vigna cina en chel de, ch'i nen boará danö tal regn de Dio. ²⁶Do la ciancia de lalt é sai jüs fora sön la Munt dal Orí.

I ponsun do: *Vigne domegna festejunse l'Eucaristia. Te cösta zelebraziun vegnel renové l'alianza y la comunité danter Chel Bel Dio y la jont. I ciafun l'empormetüda dla fedelté de Chel Bel Dio y le pan por le tru dla vita, y i s'impegnun ala fedelté ince tla vita da vigne dé. En la festa dles Antlès onorunse Chel Bel Dio y ti dijun iolan che so Fi é entres pa nos t'l'Eucaristia.*

I periun: *Gran Dio, to Fi orea sté pa nos tla zelebraziun dl'Eucarestia, tla zelebraziun dl'alianza che tö as slüt jö con nos. Deidesse encunté to Fi tla comunité de chi co crei, te söa parora y te sü sacramonc. De cösc te periunse por el, Crist nosc Signur.*

Vesco Wilhelm Egger "Sonntagsbibel"



 **Letöres dla Gran festa dal Cör de Gejú:**

Os 11, 1.3-4.8a.c-9 | Ef 3, 8-12.14-19 | Jan 19, 31-37

Edema liturgica dai 06.06. ai 13.06.2021


DOM 06.	GRAN FESTA D'LES ANTLÈS - CORPUS DOMINI <i>Norbert, Kevin</i>
08:30	gran messa por dōta la ploania <i>W. Menschick, "Missa alla settecento"</i> 2^a s.m. de sopoltōra por † Angela Frena ved. Rovara, Plans s.m. por † Maria Ellecosta Brunner, Lūchesc/Valdaora corona dla comunité por † Angela Frena ved. Rovara
→ te dlijia!	
→14:00	espi da festa y prozesciun eucaristica con 2 vangeli fora Brach
10:00	<i>s.m. a Al Plan</i>
Lön 07.	<i>Robert, Amadio</i>
18:00	<i>s.m. a Al Plan</i>
Ded 08.	<i>Helga, Engelbert, Medard</i>
07:30	s.m. de ringraziament por dūc i benfizi che i án ciaté s.m. de ringraziament y benedisciun te stala s.m. de ringraziament dla fam. Eduard y Maria Ellecosta
Dem 09.	<i>Efrem, Vinzenz, Colomba</i>
Jöb 10.	<i>beat Heinrich da Balsan, Diana, Stachio</i>
19:30	s.m. de ringraziament dla fam. Pasquale y Brigitte Kastlunger s.m. por na porsona amarada s.m. por vis y †† dla familia dla Granciasa
Ven 11.	Sacher Cör de Gejú <i>Barnabas, Paula, Alice (Adelheid)</i>
07:30	<i>s.m. a Al Plan</i>
Sab 12.	memoria dal Cör zonza macia de Maria <i>Leo III, beata Hildegard Burjan</i>
07:30	3^a s.m. de sopoltōra por † Angela Frena ved. Rovara, Plans s.m. por † Berta Complöi, Framacia s.m. por † Riccardo Palla
18:00	<i>s.m. prefestia a Al Plan</i>
DOM 13.	GRAN FESTA DAL CÖR DE GEJÚ <i>Antone da Padova, Bernhard</i>
08:30	gran messa por dōta la ploania <i>oferta por la ploania</i> s.m. d'aniversar por † signor Merch Graffonara, ploan s.m. por la fam. Jep y Clara Ellecosta, La Pli
→	ores d'adoraziun: do messa cina les 10:30 Curt, dales 10:30 ales 11:30 La Pli y Pliscia
→14:00	espi da festa y prozesciun eucaristica con 2 vangeli fora Brach
10:00	<i>s.m. a Al Plan</i>
<i>ministronc:</i>	• dedolōnesc y sabeda: Alex y Jacklyn • jōbia y domegna: Matteo y Moses

i recordun: Maria Ellecosta Brunner, Valdaora † 06.06.2018



Iolan Gejú, che te m'es gnü adancuntra

I t'encunti vigne iade con na gran ligreza.
Tö es le pan y la fontana dla vita.
Con töa vita y töes parores
nes mostreste la bunté dal Pere tal ci.
To Spirit ó fá verde te nos
le fù de to amur.
Vái ince adancuntra
a chi co n'alda nia to invit,
a chi co se stonta
da gní pormez a töa mesa,
a chi co vir dalunc da te
y ne te conesc nia.
Scinchi ala comunité atló abinada
fede, speranza y amur,
pesc y sanité.
Gejú, i sa ch'i pó ince t'encunté
tai compagns y tles porsones
encer me ia.
Porchel oressi ti orei bun a vignönn
y respeté y daidé chi co á debojügn.
Romagn amesa nos, Gejú,
vigne momont de nosta vita.
Amen.



“Con Ojep da Nazaret fora por cösc ann y fora por nosta vita” (8)



I invocun Ojep desco le patron de nüsc raiuns: che nos
porsones, a cheres che al ti é gnü scinché y afidé cōsta bela
tera rica desco daciasa sōn cōsc monn, tratunse con
reconescionza, responsabilité, respet y mosōra dōta la
Creaziun; che i se dunse da fá por na bona convivenza danter
i grups etnics; che i se daidunse önn con l'ater da se sontí
daciasa zonza ne slü fora degügn y che cōsc daciasa o cōsta
“Heimat” ne n'ái nia da fá con idees nazionalistiches y ne tomi
mai plü desco tal tomp dal fascism y nazionalsocialism te na
ideologia de “sanch y tera”. Y mai ne orunse se desmoncé:
nosc punt de odüda en cunt a porsones de n'atra cultura, n ater
lingaz, n'atra mentalité y religiun met man te nosc ce.
Le lian danter ponsé, baié y fá é der stront – tal bun y tal mal.